



Broj: 06-02-5864-1/22  
Sarajevo, 28.02.2022. godine

Zulfo Ahmetović  
Ul. Hendekuša 240  
71 210 Ilidža

OPREMLJENO

02-02-2022  
potpis

**PREDMET: Odgovor na upit o primjeni** Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) dostavlja se;

Ministarstvo za boračka pitanja Kantona Sarajevo je dana 22.02.2022. godine zaprimilo – zahtjev za mišljenje, kojim tražite mišljenje o primjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ( u daljem tekstu: Uredba ), ("Službene novine Kantona Sarajevo", br. 37/20 i 27/21).

U Vašem upitu je postavljeno slijedeće pitanje:

- " Da li se na izbor akademskog osoblja u visokoškolskim ustanovama primjenjuje Uredba i kako ?

Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) **se primjenjuje** na izbor akademskog osoblja u visokoškolskim ustanovama, iz slijedećih razloga:

- Članom 1. Uredbe utvrđuju se jedinstveni kriteriji i pravila za zapošljavanje branilaca i članova njihovih porodica u kantonalnim organima uprave i kantonalnim upravnim organizacijama, Gradu Sarajevu, općinama u Kantonu Sarajevo, kao i svim pravnim licima **čiji je osnivač Kanton, Grad Sarajevo ili općina u Kantonu Sarajevo, odnosno koja se finansiraju iz budžeta** sa učešćem od najmanje 25%.
- Akademsko osoblje na visokoškolskoj ustanovi čine: asistent, viši asistent, viši asistent u umjetničkonastavnom zvanju, lektor, docent, vanredni profesor i redovni profesor.



- Član akademskog osoblja zaključuje ugovor o radu s visokoškolskom ustanovom/ organizacionom jedinicom na period na koji je izabran.
- Konkurs za izbor člana akademskog osoblja, uz prethodno pribavljenu saglasnost senata, raspisuje rukovodilac organizacione jedinice, dok Senat razmatra prijedlog vijeća i donosi odluku kojom se daje saglasnost za raspisivanje konkursa koji se objavljuje u najmanje jednom dnevnom listu i na internet stranici visokoškolske ustanove/organizacione jedinice. Nakon donošenja odluke Senata konkursnu proceduru u skladu sa odredbama predmetnog zakona i statuta provodi organizaciona jedinica koja je inicirala raspisivanje konkursa.
- U roku od 30 dana od isteka roka za podnošenje prijave na konkurs rukovodilac organizacione jedinice je obavezan sazvati vijeće koje će imenovati komisiju za pripremanje prijedloga za izbor.
- Članom 142. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20 ) propisano je da **Skupština Kantona zadržava prava osnivača nad Univerzitetom u Sarajevu** i njegovim organizacionim i podorganizacionim jedinicama za koje je donošenjem Zakona o visokom obrazovanju ("Službene novine Kantona Sarajevo", broj 17/99) preuzela prava osnivača.
- Univerzitet ima svojstvo pravnog lica,
- Članom 155. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20 ) propisano je da se **rad Univerziteta/organizacione jedinice finansira iz Budžeta Kantona Sarajevo** na osnovu odluke o kriterijima za finansiranje Univerziteta/organizacione jedinice koju na prijedlog Ministarstva donosi Vlada.
- Institucije u Kantonu Sarajevo, u općim aktima kojima se reguliše zapošljavanje, obavezne su pored općih i posebnih kriterija, kao jedan od kriterija propisati poštovanje kriterija i vrednovanje iz ove Uredbe u roku od 60 dana od stupanja na snagu ove Uredbe, a do kada se ova Uredba neposredno primjenjuje.

S poštovanjem,

**Obradio :** Hašim Halilović, dipl. pravnik

**Kontrolisao :** mr. Osman Smajlović

**Dostaviti:**

-Naslovu,  
-a/a.



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

2/1